


مصحيح

خانم علم حالي

آفات مكاتب ابتدائيه سنك دردنجي سنه سنده تدريس اولفق
اوزره معارف عموميه نظارت جليله سنجه
قبول بيورلشدر .



معارف نظارت و مطبوعات مديريت عليه لرينك رخصتيله
طبع اولشمشدر




طبعه ثالته

درسعادت

جاده سنده ۳۸ نومرولو مطبعه ده طبع اولشمشدر

۱۳۱۸



بِسْمِ اللَّهِ الرَّحْمَنِ الرَّحِيمِ

الحمد لله بز مسلمانز . مسلمانلق « لا اله الا الله محمد رسول الله »
 ديوب و قلباً بويله جه اعتقاد ايدوب قرآن كريمه ايتامق واحكاميله
 حامل اولمق [*] در . (قرآن كريم) مصحف شريف ديو او قود يغمز
 كتاب عزيزدر . او كتاب عزيز كلام الله در كه طرف باريدن
 حضرت فخر عالم صلى الله تعالى عليه وسلم افندمزه وحى وانزال
 بيورلمش وجانب جليل نبوتلرندن متواتراً منقول اولمشدر . بزه
 ايماني و عباداتي و مكارم اخلاقي امر ايدر .

(ايمان) ايتامقدن عبارت اولوب ايتانه جغمز شيلر: الله تعالى .
 نك وارلغى و برلكى و پيغمبرلر ك و خير و ير كاري نك حق اولديغيدر .
 الله تعالى رب العالميندر . كنديسى ازلياً موجود و ابدىاً حى
 ولا يموتدر . بزي يوقدن وارايتديكى كى كور و بيلديكمز و بيله مديكمز
 و كوره مديكمز نجه بىك عالمى دخى يوقدن وارايتمشدر . كندى نك
 شريك و نظيرى يوقدر . بزم كوره مديكمز عالملردن برى ده
 (ملكدر) در . انلرى پيغمبرلر و صالح قوللر كوررلر . (پيغمبرلر)
 [*] عمل كرچه ايمانندن جزء دكلدر و لكن ايمانك كالى آنكله در .

بزم جنسمزدن شول بیوک و مبارک ذاتلردرکه الله تعالی کمال
 رچتمندن کندی رضاسی یوانی و بزم سلامت و سعادت طریقی
 انلره وحی ایدوب بیلدرمش و بزه بیلدرمک اوزره انلری مأمور
 ایتمشدر . بعضیلرک مأموریتلرینی و کندیلرینه وحی اولسان
 تعلیمات ربانیه یی ناطق کتابلردخی واردرکه انلره (کتب سماویه)
 دینلور . قرآن کریم اشته او کتابلرک اک مکمل و افضلیدر . او کتاب
 کریم حق اولان اعتقادی و لازم اولان عباداتی و آدابه مراعاتی امر
 ایتکده اولدیغی کبی برچوق پیغمبرلرک کلوب کچدیکنی و انلرک مسلاک
 عالیرینی و جله سنه خاتمہ اولق اوزره حضرت محمد علیه الصلاة
 والسلام افندمنک پیغمبر اولدیغی دخی بزه خبر و یرپور . واکا ایمان
 ایتکی بتون جهانه امر ایدیور . اشته بحمدالله تعالی بزم پیغمبرمن
 ورهبر هدایتز و سبب فلاح و سعادتز و صاحب شفاعتز اول ذات
 ستوده صفات افندمن حضرتلریدر . بوندن بیک اوچیوز بو قدر
 سنه اول عربستانک حجاز قطعہ مبارکه سنده ساحه آرای عالم شهود
 اولمشلر و التمش اوچ سنه معمر اولوب قرق یاشلرندن اعتبار آیکرمی
 اوچ سنه نبوت سورمشلردر و او قدر جق مدت ظرفنده بتون
 اهل دنیانک ، دنیانک صوک کوننه قدر و حتی دار آخرتده بپله
 ایشلرینه یارایه جق علملر و حکمتلر بیان بیورمشلردر . کندیلری رسول
 الله و رجة للعالمیندر . کندیلرینه وحی و انزال بیوریلان قرآن عظیم
 الشان دخی باعث حیات ابدی بر روح لطیف و بر کتاب جلیل و شریفدر

پیغمبر من افند من حضرت تلو نیک مسلاک عالیسنه اتباعی و او امر و نواهی
سنیه لرینه اطاعت و انقیادی بزه امرایدر .

حق تعالی نك او کتاب مبین ایچنده بزه امر اییدیکی شیلرک
باشلیجه سی ایمان و عبادات اولوب (ایمان) الله و پیغمبرلره و ملکره
و سماوی کتابلره و آخرته و قضا و قدره اینا مقدر (عبادات) نماز قیللق
و اورج لمو تمق و اقتداری اولانلره کوره زکات و یرمک و حج
ایتمکدر .

الله ایمان — خالق الکاشات اولق اوزره سمیع و بصیر و هر نه
دیلسه آنی ایشلیکه کمالیه قادر بر موجود واجب الوجودك ازلا
و ابدأ موجودیتنه وانك وحدانیتنه و زمان و مکاندن و صفات عجز
و نقصاندن و بر شیشه مشابهدن منزهیته اینا مقدر .

پیغمبرلره ایمان — جناب حقك نوع بشردن وحی و الهام ایله
ممتاز قیلدیغی قوللری اولدیغنه اینا مقدرکه آنلر کندیلرینه وحی
اولنان او امر و نواهی الهیه موجبجه عمل ایدوب امتلرینه انی تبلیغده
اصلا قصور ایتمزلر .

ملکره ایمان — حق تعالی نك نورانی و ربانی بر طاقم مخلوق
روحانیسی دخی اولدیغنه و آنلرک بزم کبی جهت بشریه سی اولما مغله
ایشلری کوجلری دائماً طاعت باریدن عبارت بولندیغنه اینا مقدر .
کتابلره ایمان — حضرت موسایه و یریلان (تورات) و حضرت
داوده و یریلان (زبور) و حضرت عیسایه و یریلان (انجیل)
کبی بتون وحی و الهامه مستند بر طاقم کتب مقدسه الهیه اولدیغنه

اینا مقدر . بو کتابلرک جمله سندن قرآن کریم مغنی اولدیغی جهتهل شمدی
آنلره مراجعتیه هیچ بر حاجت بو قدر .

آخرته ایمان — بوفانی وموقت عالمدن صکره باقی ومؤبد بر عالم
دها اوله جفنه واهل ایمان اولان ایلره او عالمده فضلآ من الله تعالی
(جنت) دنیلان دارنیم ولذت ایله ابدی مکافات اولنوب ایمان سزلر
وفنا فعلده بولنانلر (جهنم) دنیلان دار عذاب ومشقت ایله مجازات
کوره جک کرینه اینا مقدر .

قضا وقدر — قضا وقدره ایمان دخی عالمده اولمش واوله جق
هر نه خیر ویاشر وار ایسه هپ حق تعالی نک بیله سی ودیله مسی ایله
اولدیغنه اینا مقدر . خالق ورازق اودر . هر کسی دیله دیکی کبی
مخلوق ومرزوق ایدر . انجق بزله اختیار واراده ویرمشدر .
بزکندی کسب واختیار منی خیره صرف ایدر ایسه ک خیری وشره
صرف ایدر ایسه ک شری یارادر . اکتساب خیر وفضیلتده قصور
ایدوبده قدره بهتان ایتمک جائز اولدیغی کبی طول امله دوشمک واملی
سکتهیه وکندی بر بلیهیه اوغرا مقدن طولای یی یأس کتور مک دخی
جائز دکدر .

﴿ نماز قیللق ﴾

کله لم نمازه — نماز قیللق حضور حقهده بوللق دیمک اولدیغندن
نماز قیله جق آدم قرآن عظیم الشانک امری وجهله اوله طهارت
اوزره اوللق لازمدر . (طهارت) تمیزلک دیمکدر که بوده ایکی درلودر .
بری (نجاستدن طهارت) ودیکری (حدندن طهارت) در .

(نجاست مردار لقدر. انسانده و حیوانده مردار اولان شیلر معلومدر. قان و ایرین و قوصموق و شراب و هنوز سوت امن چوجغك بيله بولی و قوصمغی دجی مرداردر. نماز قیله جق آدمك اوستی باشی و طوروب نماز قیله جق یری مردار اولان شیلردن باك و عاری اوله جقدركه (نجاستدن طهارت) اشته بودر. (حدثن طهارت) غسل لازم اولان کیمسه یه غسل، و آبدست لازم اولان کیمسه یه آبدست اوزره اولق دیمکدر.

— آبدست آلمق —

(آبدست) یوزه نور، قلبه سروردر. بر آدم تمیز و صافی بر صوابله یوزینی و قوللرینی و آیاقلرینی یقامق و باشنه مسح ایتمکله آبدست آلمش و بوزلمدچه آبدست اوزره بولنش اولور.

— آبدستی بوزان شیلر —

انسان اویقویه وارمق [*] و دفع طبع ایتمک و کمندندن ریخ و آغز طو اوسی قی کلک و دیشی و یا بورنی قانه مق و بر طرفندن قان و یا ایرین ظهور ایدوب یا ییلق و باییلق و نماز ایچنده و حتی سجود سهو ائناسنده یا ننده کی ایشیده جك قدر کولمک ایله آبدست بوزولور. و او کیمسه یه او حالده آبدستسز دینور. آبدستسز اولان کیمسه نماز قیله جق اولدقده آبدست آلمق لازم کلور.

[*] دیزاوستنده بروجه تمکن او طورده رق او بوقلامق آبدستی بوزماز یا نه رق و یا خود قابناقلری بره برلشمش اولدیفنی حالده یا صلا نه رق او بومق آبدستی بوزار.

آبدست آلمق ذکر اولنان درت عضو اوزرینه صواستعمال ایلمکدن
عبارت ایسه ده انکده آدابی شو وجهله آلتقدیر :

— آبدستک ارکان و آدابی —

قوللرینی صیغادقدن صکره بسمله چکوب اولالیرینی پارمقلری
اوجلرندن باشلایه رق بیلکیرینه قدر ییقار . و : « الحمد لله علی
نعمه الاسلام دبر . یقامغه صاغ النندن باشلامغه و آرم لرنده کیر
قالمق ایچون پارمقلرینی الیک اوستندن کچوره رک خلالامغه
دقت ایدر . و پارمغنده یوزوک واریسه الی ایصلانمق ایچون آنی
اوینادر . بعده مع البسمله آغزینی اوچ دفعه صوایله چالقار . صوی
آغزینه صاغ آو حیلله و یروب ایلیک دفعه سنده دیشلرینی مسواک
ویا پارمق ایله اوغار . بعده بورننه مع البسمله اوچ دفعه صوچکر
وهر دفعه سنده صوی صاغ آو حیلله و یروب صول ایله سومکورر .
بعده آبدست نیتیلله بسمله چکوب اللَّهُمَّ بَيِّضْ وَجْهِي يَوْمَ
بَيِّضٌ وَجْهٌ وَسَوْدٌ وَجْهٌ یعنی « بر طاقم یوزلرک آغاردیغی و بر
طاقم یوزلرک قاراردیغی کونده که یوم قیامتدر یارب بنم یوزمی آق
ایت » دییه رک یوزینی اوچ دفعه ییقار هر دفعه سنده صوی ایکی
آو حیلله آله رق یوزینی طولاً آلتنک صاچ بیتندن چکه سی
نهایتنه قدر اولان موضعی و عرضاً ایکی قولاغک مابینی بولنان محلی
بروجه استیعاب یقامغه و کوزلری پیکارنده کیر براقامغه دقت

ایدر. و صوبی یوزینه حیزلی چارپماز. بعده بسمله چکوب صاغ قولنی
 و بعده ینه بسمله ایله صول قولنی اوچر دفعه دیر سکر یله برابر یقار.
 قولرینی یقامقده قاعده: اول صاغ آوجنی حوضلایه رق صوبی
 آوجنه آلوب قولنه آفتمق و صول ایله صاغ قولنی دیر سکیله برابر
 اوغالاوب یقامق و بعده ینه صوبی آوجنه آلوب قولنه آقیده رق
 صول ایله اوغوشدر مق و بعده ینه بوبله یاقمقدر. صاغ قولنی بوجه
 اوزره اوچ دفعه یقادقدن صکره صول آوجنی حوضلایوب صوبی
 آوجندن قولی اوزرینه آقیده رق صاغ ایله صول قولنی دیر سکیله
 برابر اوغالاوب یقامق و اوچ کره بوبله یاقمقدر. قولرنده
 و دیر سکر ندقوری بر اقامغه دقت ایدر و صاغ قولنی یقار ایکن
 بسمله دن صکره **اللَّهُمَّ اعْطِنِي كِتَابِي يَمِينِي وَحَاسِبِي حِسَابًا سَيِّئًا**
 یعنی «یار بزم دفتر اعمالی صاغدن اعطایور و حسابی آسان کور» دیر.
 و صول قولنی یقاد یعنی ائاده دخی بسمله دن صکره: **اللَّهُمَّ لَا تُعْطِنِي**
كِتَابِي مِنْ شِمَالِي وَلَا مِنْ وَرَاءِ ظَهْرِي وَلَا تُحَاسِبْنِي حِسَابًا شَدِيدًا
 یعنی «یار بزم دفتر اعمالی صولدن و آرقدن صومنه و حسابی شدید
 کورمه» دیر [*] قولرینی یقادقدن صکره صاغ النی ایصلادوب
 [*] **ایلرک ایلکری و کوتولرک کونولکری** عالم آخرنده بللی
 اوله جفتدن بو عالمده یا بیلان شیر معنوی دفترله قید اولمقده در. اودقتلر
 صالحلرک صاغدن و فئالرک صولندن و آرقه سندن صوبله جق و هر کسک
 حسابنه باقیله جقدر.

مع البسملة باشنك اوك طرفنه سوررکه باشك درتده بر بلو کنی النک
 یاشیله مسح ایدر. و: **اللَّهُمَّ أَظْلِي يَوْمَ لَا ظِلَّ إِلَّا ظِلُّكَ** یعنی «بنی
 سایه بان ایله یارب اول کونده که سنک سایه کدن بشقه سایه یوقدر»
 دیر. بعده اللرینک یاشلیغی ایله قولاقلرینی تمیزلر. انده ده قاعده سرچه
 پارماقلرینی قولاقلرینک ایچنه ادخال ایتک و باش و شهادت بارماقلریله
 قولاقلرینک آرقه سنی و ایچ یوزینی اوغو شدرمقدر. بعده النک ترسنی
 چوبره رک پارماقلرینک اوستنده کی یاشلیغی اکسه سندن طوغری
 بویون طمرلری اوزرینه سورر. آندن صکره بسمله چکوب صاغ آیاغی
 طوپقلریله برابر اوچ دفعه یقار و صکره ینه بسمله چکوب صول
 آیاغی دخی طوپقلریله برابر اوچ دفعه یقار و بونیکله آبدستی تمام اولور.
 آبدستده صوبی اسراف اتمامکه و آیاقلرینه چوق صو دوکامکه
 و بونیکله برابر نه آیاقلرنده و نه سائر یقادیغی اعضاده قوری بر اقامغه
 دقت ایدر. و آیاقلرینی یقار ایکن **اللَّهُمَّ ثَبِّتْ قَدَمَيَّ عَلَى الصِّرَاطِ**
 یعنی «یارب بنی صراط مستقیم اوزره ثابت قدم ایله» دیر و ختامنده:
اللَّهُمَّ اجْعَلْنِي مِنَ التَّوَّابِينَ وَاجْعَلْنِي مِنَ الْمُتَطَهِّرِينَ دعاسی
 و «انا انزلناه» سوره سنی او قور.

آبدست افعالندن هانکیسی فرض و هانکیسی سنت اولدیغی کوچک
 خاملر علم حالنده ذکر اولمشدر [*]. آبدست آلور ایکن بو کسه جک

[*] آبدست افعالنک دردی (فرض) درکه آنلر یوزی وایکی قولاری
 وایکی آیاقلری برر کره ییقامق و باشنک ربیعنی بر کره مسح ایتمکدر.
 بونلری اکمال ایدن افعال سائر سن و مستحباتدر.

بر پرده و قبله به قارشو بولنق و محتاج اولدقجه کیمسه دن یاردم
ایسته مامک و اقردی ایتامک و فعل قلب اولان نیتہ فعل لسانی
دخی علاوہ ایتک و هر عضوی ییقامقده بسم الله دیمک و تعریف
اولان دعالری او قومق و استنشاقی (بورنه صوویرمک) صاغ الیله
وامتحاطی (سو مکورمک) صول الیله یا مق آداب و مستحباتندرد.

— اوصاف وضوء —

آبدست اوچ درلو اولور. بری فرض دیکری واجب و او بری
مندوبدر. آبدستی اولمیانہ کوره نماز ایچون و سجدہ تلاوت ایچون
ومسّ مصحف ایچون آبدست آلمق فرضدر. کعبہ پی طواف ایتک
ایچون آبدست آلمق واجبدر. بونلرک ماعداسیچون مثلاً دائماً
آبدستله بولنق و او یقویہ یا تمق ایچون و یا او یقودن قالدیغی وقت
آبدست آلمق مندوب و مستحبدر.

— لاپچینلره مسح —

[*] آبدستده آیاق ییقامق لاپچین اولدیغنه و یا خود اولسه ده
مدت مسح بیتمش اولدیغنه کورهدر. چونکه آیاقده کرک عبادن و کرک
دریدن معمول لاپچین بولندیغی و اولاپچین آیاغی طوقلرایله برابر
کاملآ اورتمش اولدیغی و برطرفنده اوچ پارمق صیغه جق یرتیغی
ویاسو کوکی اولدیغی حالده آیاغی ییقامقده بدل آنک اوزرینه مسح

[*] لاپچیندن مقصد قونجلی آیاق قابیدرکه آیاقلری طوقلرایله
برابر اورتجیدر. فوطين و عبا لاپچین و سرحدک مسح کبی. بوبحث
بوندن صکره کی جبیره بحشله تمام بولور.

ایتمک وارددر . شو شرط ایله که اولاچیندر تمام آبدست اوزرینه کیلمش و آیاقدن چیقارلمش [*] ومدت مسح یولجی یه کوره اوچ کون اوچ کیجه یی ویولجی اولمیانه کوره یکر می درت ساعتی کچما مش اوله . بو (مسح) آبدست آلور ایکن آیاغنی ییقامق زمانده الاری نی ایصلادوب لاپچینک اوزرینه قویه رق آیاغک پارمق جانبندن قونجه طوغری چکیمکدن عبارتدر .

— جبیره یه وعصابه یه مسح —

قیریق صارغیسنه « جبیره » و یاره صارغیسنه « عصابه » تعبیر اولنور . انسانک آبدست اعضاسنک برنده بویه صارغی اولدیغی و آنی چوزمک مخاطره لی بولندیغی حالده صارغی اوزرینه مسح ایدیلور . یعنی ایصلاق ال کزدیریلور . حتی صارغینک اراققرلنده آچیق قالان جسده دخی ال کزدیرمک کافی اولور .

بو مسح لاپچنه اولان مسح کبی صارغینک آبدست اوزرینه صارلمش اولسنی اقتضا ایتمز . وبونده عذرک اندفاعدن بشقه مدت آرانماز . و صارغینک تجدیدنده مسحی تجدید لازم کلز . و لاپچنه مسحده آیاغک برینی ییقایوب برینه لاپچین کیهرک مسح ایتمک جائز دکلدر . حتی یالکز بر آیاغنک لاپچینی چیقارمش بیه اولسه دیکر آیاغنک لاپچینی دخی چیقاروب ایکی آیاغنی ده

[*] اکر آبدستی باقی ایکن اوزرینه مسح ایتمش اولدیغی لاپچینلری چیقارمه حق اولورسه یالکز آیاققرینی ییقامق لازم کلیر .

يَقَامُق لَازِم كَلُور . صَارَغِي اوزرِنَه مَسْحَدِه ايسِه عذرلي آياغَنك
 صَارَغِيَسْنَه مَسَح ايدوب عذرَسَنز آياغَنِي يِقَار .
 غَسْل اَيْتَمَك بُوِي اَبْدَسْتِي اَلْمَق دِيْمَكْدِرَكه تِيهْدَن طَرْنَاغَه قَدْر هِيچ
 بَرِيْرِي وَحْتِي اَغْزِيْنَك وَبُورْنَك اِيچِي قُورُوقَالْمَق اوزرَه صُودَن
 كِچْمَكْدِر . اَبْدَسْتَك مَوْجِبْنَه «حَدَث اصْغَر» تَعْبِيْر اُولْتُور . بُونَك
 مَوْجِبْنَه ايسِه «حَدَث اكْبَر» دِيْنِيلُورَكه اودِه يَارُؤْيَا كُورْمَك [*]
 يَاخُود عَادَتْدَن وِيَاخُوصَه لَقْدَن قُورْتَلَق وِيَاخُود اِرْكِكِيلَه بَرْلَشْمَك
 اِيلَه اُولُور . قَاذِيْنَك غَسْلِي مَوْحِي رُؤْيَا كُورْمَسِي پَك نَادِر اُولُور .
 وَغَسْل اَيْتَمَك مَجْرَد رُؤْيَا كُورْمَكَه دَكْل ، كِنْدَنْدَه رَطُوبَت بُولْمَغَه تَوْقُف
 اَيْدِر . «عَادَت» طَقُوز ، اُون وَنَهَايَت اُون بَش يَاشْنَدَن اَعْتِبَارَا
 اخْتِيَارَلَق زَمَانَه دَكِيْن هَرَقِيْز وَقَاذِيْنَدَن ظُهُور اَيْدَن دَم حَالِيْدِر .
 هَرَاي اَوْحَالَك حَصُولَنْدَه قَاذِيْنَلر حَدَث اكْبَر اوزرَه اُولُوب نَمَازْدَن
 وَاوَر جَدَن وَجَامِعَه كِيْرْمَكْدَن وَقَر اَن اَوْقُو مَقْدَن وَزُوجِيْلَه اِجْتِمَاعْدَن
 مَحْرُوم وَمَنْعُوع بُولْتُورلر . دَمَلَرِي كَسِيْلُوب غَسْل اَيْتَمَكْجَه تَمِيْز
 اُولْمَازلر . خُوسَه اُولَان قَاذِيْنَلر دَخِي خُوسَه لَغَه مَخْصُوص دَمْدَن
 قُورْتِيلُوب غَسْل اَيْتَمَكْجَه تَمِيْز دَكْلْدِرلر . ذَكْر اُولْتَان مَمْنُوعِيْت
 وَمَحْرُومِيْت اَنَلر حَقْنَدَه دَخِي جَارِيْدِر . بُوْكَ «نَفَاس» وَاوَلِكِيْنَه
 «حِيْض» تَعْبِيْر اُولْتُور . حِيْضَك اَقْلِي اُوچ وَاَوْسَطِي بَش وَاكْثَرِي
 اُون كُونْدِر . اُوچ كُونْدَن اَكْسِيْكَ وَاوْن كُونْدَن زِيَادَه اُولْمَاز .
 اُولُورْسَه اَكَا «اسْتِحْضَا» دِيْنُورَكه عَادَت دَكْل ؛ عِلْتَدِر . صَاَحْبَنَك
 [*] بَعْنِي رُؤْيَا حَالَه اِرْكَك اِيلَه بَرْلَشْمَك .

طهارتہ مانع اولماز . نفاسك اقلی ایچون مدت معینه یوقدر . اکثری قرق کوندر . انك دخی قرق کوندن زیاده اولانی اسنحاصه در . هنوز طقوز یاشنده اولمیانلر و کبه بولنانلر و (نهایت) الی بش یاشنه وارانلر حیض کورمز . سیده نساو کریمه محترمه حضرت سلطان الانبیاء اولان «فاطمه الزهراء» رضی الله تعالی عنها افندمز هیچ حیض کورما مشلر و بونکله برابر نسل پاک حضرت سیدالساداته مصدر اولملر در . حق تعالی هر دیله دیکی شیئه قادر در .

— غسلک ارکان و آداب —

غسل ایده جك خاتم آرقه سنی دیواره ویرب اوکنه پشمال طوته رق چوملی و صاغ الیه صو دو کوب صول النی اسفلنه . کوتوره رك خارج و داخلنی و منفذ دیکری اطرافنی لایقیله تطهیر ایتدکن و کوبکی چقورینی دخی یقادرده صکره باسم الله دیوب حدثن طهارت نیتیه اولابر آبدست آلمی . ایکی اللربنی و آغزینی و بورتنی و یوزینی و قوللربی اوچر کره یقایوب باشنا مسح ایتدکن صکره کر دو کیلان صولر آیاقلری آلتنه بریکمور ایسه آیاقلربی دخی یقاملی واکر آیاقلری دو کیلان صولر ایچنده قالیور ایسه انلری یقامغی اک صکره بر اقلیدر . بعده باشندن باشلایه رق صودو کتلیدر . صاچلری پك چوق و صیق اولمدقچه و یاخود کیردن کچه لئه حاله کلش بولندقچه اور کوسنی چوزمك لازم کلز . باشنه صودو کوندیکی ائنده قوللاقلرنده قابانمش اولمیان کوپه دلیکربنی دخی یقار . قاشی

چوق اولانلر قاشلرینی دخی یقامغه دقت ایدر. باشنی بوصورتله اوچ دفعه ییقاددن سوکره صاغندن باشلایه رق اول صاغ اوموزینه وبعده صول اوموزینه اوچر دفعه صو دوکهرک وجودینی و ۴۴ لری آلتی. و با جاقلرینه دخی صولردو کوب هر طرفنی، هیچ برقیل دیی قوری قالماق اوزره کوزله یقار والریله اوغوشدیرر.

غسل ایتک بوندن عبارت اولوب فرضلر مضمضه و استنشاقدن و تپه دن طرناغه جیع بدنی یوماقدن عبارت اولمق اوزره اوچدر. اولجه بسمله چکمک ونیت ایتک و بر آبدست آلمق و تعریف اولنان ترتیب وجهله ییقامق غسلک سنتلریدر. آقار صویه و یا او حکمده بولنان حوض کبیر [*] و یا خود دکز جامنه طالمق و صوده براز طور مق ایله بوسنتلر اجرا ایدلش اولور.

آبدستک آدابندن اولان شیلر فسلده دخی آدابندر. شوقدرکه غسل ایدرکن قبله یه قارشو بولمق و آبدست دعالرینی اوقومق آدابندن دکلدر.

— تیمم بحثی و صولرک انواعی —

معلوم اولدیغی اوزره آبدست و غسل تمیز صو ایله اولور. تمیز صو بولنمیان محمله ایکی الرینی نیت طهارت ایله تمیز بریره اوروب برکره یوزینه و بردها اوروب ایکی قولرینه مسح ایتک هم آبدسته وهم غسله بدل اولور. و بوکا (تیمم) تعبیر اولنور. [*] صوینک سطحی یوز آرشون و یا دها زیاده بولنان حوضدر.

صویک تمیزی بوصونلی ویا چامورلی اولمیان دیمک دکلدر .
 صوی بولاندیران شی تمیز اولدجه صو تمیزدر . صویه بیلدیگمز
 مردارقلردن بری وقان و شراب کبی بیلدیگمز مردار برشی ملاق
 اولدجه وایچه لاشه دوشمش ویاخود اتی بینیان حیوانلردن
 کدیدن و آت واستر و مرکبدن ماعداسی [*] اندن ایچمش
 اولدجه اوصو طاهر در . کرک دکز ویا نهر صوی اولسون و کرک
 چشمه و یغمور یاخود قار صوی بولسون . شو قدر که هر طاهر اولان
 صو ایچله مدیکی کبی هر طاهر صو ایله آبدست دخی آله ماز و غسل
 ایدیه من .

آبدست آله جق و غسل ایدیه جک طاهر صویک کل صوی و چیچک
 صوی وات صوی کبی بر قید ایله مقید اولماسی و ایچنه پیراقلردوشه رک
 ویاخود ایچنده نخود و بقله مثالی تمیز برشی پدشه رک اوصو پختیلا نمق
 حالنه کلمش بولنماسی شرطدر . سرکه و کل صوی کبی هر مایع طاهر
 مرداری کیدر رایسه ده آبدسته و غسله صالح اوله ماز آبدسته و غسلده
 قولانیلان صو بریده بریکدر ملک ویاخود بری آبدست آورایکن
 دیگر آندن آقان صولره النی طو تمق صورتیه دخی آبدست آله ماز .
 طاهر اولیان صویه (ماء بخس) و آبدسته قولانلش اولان صویه
 (ماء مسعمل) تعیر اولنور که اولکیسی باغچه و حیوان صولا مقدن
 بشقه هیچ بر شیئه صالح اوله ماز . ایکنجیسی طاهر و فقط غیر مطهر

[*] کدینک آرتینی مکرو هدر . آتک آرتینی طاهر در . استر ایله
 هارک آرتینی مشکو کدر . کوپکک آرتینی مردار در . بولر ماء قلیله کوره در .

اولدیغندن ایچمکده ویمک پیشور مکده وبر مرداری ازاله ایتمکده استعمال اولنه یلور ایسه ده آبدسته وغسله یراماز. آبدسته یارایان صو، ماء طاهر مطلقدر. انده ده کفایت واستعمالنه قدرت شرطدر.

ایمدی ماء طاهر مطلق بولنه مدیغی، یاخود بولنوبده آبدستک فرضلریغی یرینه کتور مکده کافی اولمدیغی ویاخود صویک اولدیغی یرقور قولی اولدیغی، والد بولنان صویک صرفی صورتنده صوسزلق چکمک قورقوسی بولندیغی حالده تیم ایدیلور. غسل ایده جک قادینه کوره یقامجق حالده خسته لنمکدن ویا خسته لکی آرنمقدن خوف ایدن، دخی مخاطرده واقع اولمامق ایچون غسلی یرینه تیم ایدر.

تیم، ارض جنسنندن طوپراق وطاش وقوم کبی هر طاهرشی ایله اولور. شرطی نیت ایتک و یوزینی وایکی قولریغی قاپلا یو مسح ایتمکدر. صورتی بودرکه: برکره ایکی اللرینک آوج طرفی پارمقلریغی آچهرق پاک طوپراق جنسنندن برشیئه اوروب یواشجه سیلکه لدکدن صکره یوزینه سورر. وبو مسح ایله یوزینی تمامیه قاپلامش اولور. بعده اللریغی برکره دها اوروب صول ایله صاغ قولنی، پارمقلری او جلرندن دیرسکنه قدر مسح ایدر. وبعده صاغ ایله صول قولنی، ینه پارمقلری او جلرندن دیرسکنه قدر مسح ایلر. قوللرینک ایچ وطیش طرفی تمامیه مسح اولمق ایچون برقولی مسح ایدر ایکن دیگر الک باش وشهادت پارمقلرندن ماعداسنی او قولک طیش طرفندن پارمقلری آلتنه وضع ایدرک دیرسکه قدر

مسحی وارد ردقن صکره اوچ پارمغنی بوموب شهادت پارمغنی قولک
ایچ طرفنه وباش پرمغنی آلتنه کتوره رک آوجنه طوغری پارمق
اوجلرینه قدر چکمک لازم کلور . برتیم ایله بردن زیاده نماز
قیلنور . آبدسته بدل اولان نیم آبدستی بوزان شیرلر ایله بوزیلور .
آبدسته کافی صوبی بولق واستعمالنه قادر اولمق ایله دخی بوزیلور .
شوقدرکه قیلنان نمازلی اعاده لازم کلز . غسله بدل اولان نیم
غسلی موجب اولان حاک حصولنده و برده صوبی بولمده
بوزیلور .

اوقات خمسة

فرض اولان نماز لرك وقتی بشدر . برنجیسی : صباح نمازی
وقتیدرکه طلوع فجر دن اعتباراً طلوع شمس زمانندن اولجهیه
قدر اولان مدتدر .

طلوع فجر — شفق وقتی دیدیکمز زماندرکه کچه نك
صوکنده کوك یوزینک کونش طوغنی طرفندن آیدینلق ظهور
ایتمکه باشلادیغی وقتدر . آندن اعتباراً صباح نمازینک زمانی
کیرمش واورج ایچون (امساك وقتی) اولمش اولور .

طلوع شمس — کونش طوغق دیمکدرکه صباح نمازینک
وقتی اوزمان نهایت بولور و کونش طوغار ایکن نماز قیلنماز
اولور .

ایکنجیسی : اوکله نمازی وقتیدر — که زوال زمانندن

باشلايه رق هرديکيلي شينک شمرق طرفنده پيدا اولان کولکه سي کندينک بروعلی قول ايکي مثلی اولق وقتنه قدر سورر. آندن صکره ايکندي وقتی کيرر .

[زوال وقتی ديمک شمسک سمت رأسدن غربه طوغری آغهي زمانی ديمکدرکه قبله قارشو طوران کيمسه کونشي صاغ قاشي اوزرينه کلش بولور ايسه اوکله وقتی اولمش اولور]
اوچنجیسی : ايکندي وقتيدر — که اوکله وقتنک نهایت بولسيله باشلايه رق کونشک بائمه قدر سورر .

دردنجیسی : اقشام نمازی وقتيدر — که کونشک باتديغندن اعتبارآ کيروب کون باتی طرفنده کی پياضلق غائب اوله رق قاراندق چوکنجه يه قدر سورر .

بشنجیسی : ياتسو وصالات وتر وقتيدر — که اقشام نمازی وقتی چيقدقدن صکره باشلايه رق طلوع فجر وقتنه قدر سورر

هر وقتک نمازینی اذانی اوقونجه قيلق افضلدر. يالکيز صباح نمازينک اذانی ایرکن اوقونه کلديکندن آنی صکره جه قيلی و ممکن اولور ايسه ياتسو ووتر نمازلرينی کيچجه ادا ايتليدر .
حاجيلر بايرام صباحی مزدلفه دن منايه کله جکلرندن صباح نمازی اوراده ایرکن قيلنور.



— نوافل و اوقات مکروهه —

قيلنه جق نماز بوش وقتنه مخصوص اوليوب ذکر اولنان

بش وقتده قیلدیغمز اوزرمرزه فرض اولان نماز ايله آنلرك ستلریدر . آنلردن ماعدا دها بر چوق نماز قیلنه بیلور وفضله قیلنان نمازلره جمع صیغه سیله (نوافل) و مفرد صیغه سیله (نافله) دیلور که فرضدن فضله دیمکدر . فرضلر ايله مرتب اولاننه — بز (سنت) تعبیر ایدرز خاصة (رواتب) تعبیر اولور .
نوافلک (اشراق) و (ضحی) و (تہجد) و (اوایین) نمازی کبی انواعی وارددر .

اشراق نمازی — کونش طوغوب یوکسلرک یر یوزی ضیادار اولدیغی وقت قیلنور . ایکی رکعتدر .

ضحی نمازی — قوشلق وقتی ایکی رکعتدن اون ایکی رکعت قدر قیلنور .

تہجد نمازی — یاتس-وی قیلوب او یودقدن صکره کچه یاریسی قالقیلوب قیلنان نمازدرکه اوده ایکیدن اون ایکی رکعت قدردر .

اوایین نمازی — افشام نمازندن صکره قیلنور و درت نهایت الی رکعتدن عبارت اولور .

برده (تحیة المسجد) نمازی وارددرکه آنندن چوق کیمسه غافلدر . جامعه چیقماق قادینلر ایچون ابی برشی اولدیغی کبی جامعه آبدستسز و باخصوص نمازسز بولنق ایسه هیچ جائز اولدبغندن جامعه تمیز و آبدستلی کیرمک لازم کلور . و کیرلدیکی وقت جماعت زمانی و کراحت وقتی دکل ایسه (تحیة المسجد) یعنی

جامعه تعظیم و حرمت نامیده رضاء الله ایکی رکعت نماز قیلنور .
جاعت زمانی ایسه قیلنه جق وقت نمازی آنک یرینه قائم اولور .
وقت نمازندن ماعدا هر نه نیت ایله اولور سه اولسون قیلنان
ایکی رکعت دخی تحیه المسجد اولور .

کرك بونده و كرك سائر نمازده وحتی سجده تلاوته
کوزه دیله جک شی وقت کراحت اولما قدر . چونکه اوچ وقت
واردر کونشه طپانلر او وقتلر طپانلش اولدقلرندن انلره بکزه ما .
مک ایچون شریعتیز بزی او وقتلرده نماز قیلق و سجده ایتمکدن
منع ایتمشدر : بری کوشک طلوع زمانی وبری استوا زمانی
وبری دخی غروب زمانیدر .

کونش طوغوب یوکسلنجیه قدر و سمت رأسه کلوب آغنجیه
قدر واقشام اوستی باتوب غائب اولنجیه قدر هیچ بر نماز قیلنماز
[*] وحتی مصحفده یکن سجده آتی سبیلله سجده دخی ایدلر .
تلاوت وقت کراحتک چیقمسنه تأخیر اولنور .

صبح نمازینک وایکندی نمازینک فرضلرندن صکره واقشام
نمازینک فرضندن اول نافله قیلق دخی مکروهدر . طلوع فجردن
صکره صبح نمازینک سنتندن بشقه دخی نافله یوقدر .

نماز حضور قلب ایله قیلنق لازم اولدیغندن عقلی مثلاً
قارنک آچلغندن طولانی یمکده قاهره ق ویاخود کندیبسی دفع
حاجت صیقتیسنده ایکن آبدستی زور الله طوتهرق نماز قیلق
مکروهدر .

[*] یالکیز اوکونک ایکندیسی اووقته قالش ایسه او قیلنور .